

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**



**ДОМ НАРОДА
ПРЕДСТАВНИЧКИ ДОМ**
Зajедничка комисија за надзор над радом
Обавјештајно-безбједносне агенције
Босне и Херцеговине

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**DOM NARODA
PREDSTAVNIČKI DOM/ZASTUPNIČKI DOM**
Zajednička komisija za nadzor nad radom
Obavještajno-sigurnosne agencije
Bosne i Hercegovine
Zajedničko povjerenstvo za nadzor nad radom
Obavještajno-sigurnosne agencije
Bosne i Hercegovine

Broj: 03/2-50-1-8-11-2/17
Sarajevo, 11.01.2017.

**IZVJEŠTAJ O RADU
ZAJEDNIČKE KOMISIJE
ZA NADZOR NAD RADOM OSABIH
ZA 2016. GODINU**

Sarajevo, januar 2017.

SADRŽAJ:

1. UVODNE NAPOMENE	3
2. AKTIVNOSTI KOMISIJE U 2016. GODINI	3
a. Zakonodavne aktivnosti	4
b. Razmatranje materijala koji proističu iz zakonom utvrđenih nadležnosti i ostalih akata	6
c. Nadzorne posjete i radni sastanci iz nadležnosti Komisije	8
2.1. PRISUSTVO OBUKAMA, RADIONICAMA, KONFERENCIJAMA I OKRUGLIM STOLOVIMA	8
2.2. STUDIJSKE POSJETE I PROGRAMI ZA PROFESIONALNO USAVRŠAVANJE U INOZEMSTVU	9
2.3. SARADNJA SA OBAVJEŠTAJNO-SIGURNOSNOM AGENCIJOM BiH I DRUGIM DOMAĆIM INSTITUCIJAMA	9
2.4. MEĐUNARODNE AKTIVNOSTI KOMISIJE	10
3. REZIME	12

1. UVODNE NAPOMENE

Nadležnosti Zajedničke komisije za nadzor nad radom Obavještajno-sigurnosne agencije Bosne i Hercegovine (u daljnjem tekstu: Komisija), utvrđene su u odredbama Zakona o Obavještajno-sigurnosnoj agenciji BiH („Službeni glasnik BiH“, br. 12/04, 20/04, 56/06 i 12/09), Zakona o zaštiti tajnih podataka BiH („Službeni glasnik BiH“, br. 54/05 i 12/09), te poslovnica oba Doma Parlamentarne skupštine Bosne i Hercegovine.

Pored navedenih propisa, Komisija se rukovodi i vlastitim Poslovníkom i Pravilnikom o zaštiti tajnih podataka, te relevantnim propisima koje donosi Državni sigurnosni organ. Komisija u svome radu također nastoji uvažiti i principe sadržane u Zajedničkoj vanjskoj i sigurnosnoj politici EU (CFSP), odnosno u njenom dijelu koji se konkretnije odnosi na područje rada Komisije, tj. Zajedničkoj odbrambenoj i sigurnosnoj politici (CSDP). Također se u obzir uzimaju i obaveze BiH u smislu NATO aspiracija Bosne i Hercegovine, tj. obaveze definirane kroz IPAP, MAP i Sigurnosni sporazum između BiH i NATO, kao i Sporazum o povjerljivosti informacija potpisan između Bosne i Hercegovine i EU. Konačno, Komisija pri radu ima u vidu i obaveze koje proističu iz drugih međunarodnih sporazuma koje je Bosna i Hercegovina potpisala ili im pristupila.

Komisija je u prethodnoj godini održala šest radnih sjednica (zakonski „minimum“ su obavezne dvije), uspješno organizovala tri Javne tribine za akademsku zajednicu i obavila četrdeset nadzornih posjeta i sastanaka na osnovu Zakona o zaštiti tajnih podataka i Zakona o OSA BiH.

Iz Izvještaja se može zaključiti da je rad Komisije bio intenzivan i da su uspješno implementirani mehanizmi i ovlasti koji su dati Komisiji relevantnim zakonima.

3

2. AKTIVNOSTI KOMISIJE U 2016. GODINI

Tokom izvještajnog perioda, tj. tokom 2016. godine, Komisija je realizirala slijedeće aktivnosti:

Broj održanih sjednica	6
Broj radnih sastanaka / nadzor ZOZTP	40
Broj radnih sastanaka / nadzor Z OSA	4
Broj tačaka dnevnog reda	34
Učešće na seminarima i konferencijama na poziv	2
Organizovane Javne tribine	3

Komisija je u izvještajnom periodu razmatrala:

Prijedlozi zakona	0
Izvještaji i informacije	13
Odluke	0
Usvojeni zaključci	8
Ostali akti	7

Tokom izvještajnog perioda Komisija je u okviru svojih nadležnosti pratila rad različitih tijela i institucija izvršne vlasti (OSABiH, DSO, Ministarstvo sigurnosti, Ministarstvo odbrane, predsjedavajući Vijeća ministara BiH, Vijeće ministara BiH, itd.).

Prisustvo članova Komisije sjednicama:

Član Komisije:	Prisutnost:	Postotak prisustva:
Nikola Špirić	6	100 %
Bariša Čolak	6	100 %
Safet Softić	6	100 %
Sredoje Nović	6	100 %
Darko Babalj	4	66 %
Ljilja Zovko	6	100 %
Mirsad Mešić	5	83 %
Predrag Kožul	5	83 %
Fahrudin Radončić	2	33 %
Đorđo Krčmar	4	66 %
Sadik Ahmetović	5	83 %
Damir Bećirović	6	100 %

a. Zakonodavne aktivnosti

Zakoni koji su bili predviđeni za razmatranje u okvirima nadležnosti Komisije (odnosno predlaganje izmjena i dopuna istih koje se tiču poslova i organa iz nadležnosti Komisije) su slijedeći:

1. Zakon o OSABiH
2. Zakon o zaštiti tajnih podataka BiH
3. Zakon o reviziji institucija BiH,
4. Zakon o javnim nabavkama, te
5. Zakon o odbrani BiH.

Što se tiče **Zakona o zaštiti tajnih podataka BiH**, vršili smo redovan i veoma intenzivan nadzor nad njegovom primjenom, te je Komisija na svojoj 07. sjednici održanoj 27.04.2016.g usvojila Godišnji plan nadzornih posjeta i o istom obavijestila Kolegije oba doma i DSO Ministarstvo sigurnosti radi pružanja stručne i tehničke podrške s obzirom da je Komisija na osnovu njihovog Godišnjeg izvještaja o izvršenom operativnom i tehničkom nadzoru u oblasti zaštite tajnih podataka kod određenog broja institucija primjetila izvjesnu stagnaciju ili nedostatke u provođenju predmetnog zakona. Članovi Komisije su obavile sljedeće nadzorne posjete:

1. Predsjedništvo BiH
2. Ministarstvo sigurnosti
3. Ministarstvo odbrane
4. Ministarstvo finansija
5. Ministarstvo vanjske trgovine i ekonomskih odnosa
6. Ministarstvo vanjskih poslova
7. Ministarstvo civilnih poslova
8. Ministarstvo pravde
9. Ministarstvo za ljudska prava i izbjeglice
10. Ministarstvo prometa i komunikacija
11. Generalni sekretarijat Vijeća ministara
12. Izvršni obavještajni odbor
13. Direkcija za koordinaciju policijskih tijela (DKPT)
14. Državna agencija za istrage i zaštitu (SIPA)
15. Granična policija (GP)
16. Služba za poslove sa strancima (SPS)
17. Agencija za forenzička ispitivanja i vještačenja (AFIV)
18. Agencija za policijsku podršku (APP)
19. Agencija za zaštitu ličnih podataka (AZLP)
20. Uprava za indirektno oporezivanje BiH (UIO)
21. Agencija za informacije i razmjenu podataka (IDDEEA)
22. Služba za zajedničke poslove institucija BiH (SZZP)
23. Sud BiH
24. Tužilaštvo BiH
25. Visoko sudsko i tužilačko vijeće (VSTV)
26. Obavještajno-sigurnosna agencija BiH (OSABiH)
27. Državni sigurnosni organ (DSO)
28. MUP FBiH
29. MUP RS
30. Policija Brčko Distrikta BiH
31. MUP KS Sarajevo
32. MUP ZDK Zenica
33. MUP SBK Travnik
34. MUP BPK Goražde
35. MUP HNK Mostar

- 36. MUP ZHK Ljubuški
- 37. MUP K10 Livno
- 38. MUP PK Orašje
- 39. MUP USK Bihać
- 40. MUP TK Tuzla

ČLAN KOMISIJE:	Učestvovao u posjetama:
Nikola Špirić	20
Safet Softić	4
Bariša Čolak	15
Ljilja Zovko	10
Sredoje Nović	11
Predrag Kožul	10
Sadik Ahmetović	7
Mirsad Mešić	11
Dorđo Krčmar	1
Darko Babalj	1
Fahrudin Radončić	1
Damir Bećirović	15
UKUPNO POSJETA:	40

Komisija je u decembru 2016. planirala održati tematsku sjednicu iz oblasti primjene Zakona o zaštiti tajnih podataka, ali budući da smo nadzorne aktivnosti zbog niza faktora uspjeli dovršiti tek sredinom decembra, ova će sjednica ostati u planu za početak naredne godine. Ipak, bitno je istaći da je ovo prvi put da je Komisija u jednoj godini obišla ovoliki broj institucija koje svakodnevno obrađuju tajne podatke, odnosno koje su „nulti“ prioriteti u smislu primjene ZOZTP. U svakom posjećenom organu smo pored vršenja funkcije nadzora, ponudili i našu stručnu pomoć, te smo uspostavili efikasnu i prohodnu komunikaciju između Komisije, DSO i rukovodilaca posjećenih organa.

Kada je riječ o implementaciji ZOZTP u PSBiH, bitno je istaći da su uz stručnu podršku sekretara komisije (koji je ujedno i sigurnosni službenik PSBiH) članovi Zajedničkog kolegija usvojili tzv. „sigurnosni paket“, odnosno „Paket mjera i odluka bitnih za uspostavljanje i certifikaciju sigurnosnog područja Parlamentarne skupštine BiH i opću primjenu Zakona o zaštiti tajnih podataka od strane PSBiH“. Ovaj paket sadrži sljedeće akte:

1. Odluka o načinu upotrebe i pohrane ključeva sigurnosnih područja PSBiH
2. Odluka o određivanju sigurnosnih i administrativnih područja PSBiH
3. Sigurnosne operativne procedure (SecOPs)
4. Procedure za održavanje zatvorene sjednice doma na kojoj se razmatraju tajni podaci

5. Sigurnosni plan za postupanje s tajnim podacima koje štiti PSBiH
6. Pravilnik o zaštiti tajnih podataka u PSBiH

PSBiH je akreditovana za elektronsku razmjenu tajnih podataka do i uključujući stepen Interno. Sada je u planu nadogradnja tog stepena, u skladu sa finansijskim mogućnostima PSBiH.

Ured sekretara ZK OSA pored redovnih poslova iz nadležnosti Komisije u izvještajnom periodu je obavljao i prijem, optremu i pohranu pošte sa oznakom tajnosti za cijelu PSBiH (sve njene članove, uposlenike, imenovane dužnosnike i radna tijela). Jednako tako, ovaj je Ured određen i kao organizaciona jedinica koja vrši unutrašnji nadzor nad primjenom Zakona o zaštiti tajnih podataka, te je u tom smislu provodio aktivnosti koje će detaljno opisati u svome izvještaju o radu.

Što se tiče **Zakona o odbrani BiH**, Komisija je reagirala na neprikladan način na koji je radna grupa formirana od strane predstavnika Ministarstva odbrane pokušala tretirati pitanja koja bi direktno utjecala na primjenu Zakona o zaštiti tajnih podataka, te koja bi ujedno imala tendenciju narušavanja odredbi Zakona o OSABiH, ali i odredbi Sigurnosnog sporazuma između BiH i NATO, te je ministrica nakon naše intervencije usmjerila aktivnosti te radne grupe u pravom smjeru.

Što se tiče **Zakona o javnim nabavkama**, Komisija je upoznata sa problemima koji se javljaju zbog nemogućnosti da se u skladu sa postojećim zakonom organizuje i provede tzv. „sigurnosni tender“, odnosno da se provede i primijeni postupak tzv. „industrijske sigurnosne provjere“. Radi se o provjeri pravnih lica (preduzeća) prilikom javljanja na klasificirani tender, npr. za nabavku specijalne policijske opreme i slično. Sva potrebna zakonska određenja i definicije već postoje u Zakonu o zaštiti tajnih podataka, no Zakon o javnim nabavkama ne prepoznaje tu činjenicu. Najjednostavnije rješenje postojeće situacije bilo bi da se cijelo poglavlje o industrijskoj provjeri iz ZOZTP „premjesti“, odnosno ugradi u Zakon o javnim nabavkama. Trenutno je u fazi usvajanja Pravilnik o industrijskoj sigurnosti koji ima potencijal da konačno uredi sva neriješena pitanja. Komisija će budno pratiti status ovog dokumenta na Vijeću ministara.

Već smo ranije ustanovili problem odavanja tajnih podataka medijima i drugim neovlaštenim osobama, te ćemo ponovo aktualizirati činjenicu da je iz sadašnjeg **Krivičnog zakona BiH** izbrisan član 225. koji je uređivao „Odavanje službene tajne“. Ovo će nam biti jedan od apsolutnih prioriteta u narednoj godini.

b. Razmatranje materijala koji proističu iz zakonom utvrđenih nadležnosti i ostalih akata

Kad je riječ o aktima koji nemaju zakonodavni karakter, Komisija je u izvještajnom periodu razmatrala, usvojila, primila k znanju i po potrebi uputila u dalju proceduru slijedeće akte:

1. Izvještaj o radu Zajedničke komisije za nadzor nad radom OSABiH za 2015. godinu;
2. Plan rada Zajedničke komisije za nadzor nad radom OSABiH za 2016. godinu;
3. Godišnji izvještaj o izvršenom operativnom i tehničkom nadzoru u oblasti zaštite tajnih podataka u 2015. godini.
4. Godišnji izvještaj o izvršenoj reviziji u OSABiH za 2015. godinu
5. redovni polugodišnji Izvještaji Glavnog inspektora OSABiH o rješavanju žalbi podnesenih protiv Agencije
6. Prijedlog budžeta i aneksa budžeta OSABiH za 2017. godinu
7. Izvještaj o izdatim dozvolama za pristup tajnim podacima od strane Ministarstva sigurnosti BiH – DSO i Ministarstva odbrane
8. Izvještaji i informacije OSABiH o konkretnim pojedinačnim pitanjima na koja je Komisija tražila odgovor ili izjašnjenje ili koja joj je uputio Dom
9. predstavke koje se tiču rada OSABiH, upućene od strane različitih pravnih i fizičkih lica (građana, vladinih i nevladinih organizacija).
10. Priprema i realizacija terenskih nadzornih posjeta na osnovu ZOZTP i radno-konsultativnih sastanaka sa rukovodstvom OSA BiH
11. Priprema i realizacija aktivnosti članova Komisije u BiH i u međunarodnim odnosima (Konferencije, radionice i okrugli stolovi)
12. Organizacija, u saradnji sa OSABiH i NUPI, tri Javne tribine za akademsku zajednicu u Banja Luci, Mostaru i Sarajevu

Planom rada Komisije bilo je predviđeno i razmatranje Godišnje platforme o obavještajno-sigurnosnoj politici BiH, koja je propisana u čl. 7. stav (1) alineja 5. Zakona o Obavještajno-sigurnosnoj agenciji BiH. Kao i ranijih godina, ponovo smo suočeni sa zanemarivanjem ove obaveze, kako od strane Vijeća ministara koje je dužno da je pripremi, tako i od strane Predsjedništva BiH koje je dužno da je odobri i dostavi Parlamentu. U nemogućnosti da nakon brojnih pokušaja animiramo izvršnu vlast na blagovremenu pripremu ovog akta, trenutno razmatramo druge opcije (izmjene Zakona koje će ovo pitanje urediti na efikasniji način).

c. Nadzorne posjete i radni sastanci iz nadležnosti Komisije

2.1. PRISUSTVO OBUKAMA, RADIONICAMA, KONFERENCIJAMA, SEMINARIMA, TRIBINAMA I OKRUGLIM STOLOVIMA

Član Komisije Bariša Čolak je bio domaćin u PSBiH polaznicima obuke „**Sigurnosna politika BiH**“ u organizaciji Ministarstva sigurnosti BiH i OSCE i predstavio nadležnosti i rad Komisije te u razgovoru odgovarao na postavljena pitanja. U organizaciji Ženevskog centra za demokratsku kontrolu oružanih snaga (DCAF) i Centra za sigurnosne studije (sarajevska NVO) u decembru je održan okrugli sto na temu „**Korištenje posebnih istražnih metoda**“ kojem su prisustvovali

članovi Ljilja Zovko, Predrag Kožul i Mirsad Mešić. Ostali učesnici uključivali su državne tužioce predvođene gđom. Dianom Kajmaković, tužioce sa entitetskog i kantonalnog nivoa, specijalne istražitelje SIPA-e i OSA-e, te predstavnike različitih agencija za sprovedbu zakona.

U organizaciji Zajedničke komisije za nadzor nad Obavještajno – sigurnosnom agencijom (OSA) Bosne i Hercegovine održane su **tri javne tribine** za predstavnike akademske zajednice u BiH i to u Banja Luci (uvodničari Nikola Špirić i Sredoje Nović), Mostaru (uvodničari: Ljilja Zovko, Predrag Kožul i Damir Bećirović) i Sarajevu (Nikola Špirić, Ljilja Zovko, Mirsad Mešić, Damir Bećirović i Sredoje Nović). Posebno nas raduje ogroman odziv studenata, ali i profesora pa čak i dekana, na ove aktivnosti – samo na radionici u Sarajevu prisustvovalo je oko 500 studenata i oko 40 univerzitetskih profesora iz cijele BiH.

Na tribinama, čiji je cilj bio da se rad obavještajnog sektora približi građanima naše zemlje, posebno akademskoj zajednici kao najkvalitetnijem dijelu društva, profesori i studenti iz cijele države u razgovoru sa članovima Zajedničke komisije i pripadnicima OSABiH imali su priliku da iznesu svoje stavove o trenutnom stanju sigurnosnog sektora u BiH, kao i svoje sugestije za budući rad, strukturu i profiliranje službenika u obavještajnom sektoru.

Nakon prezentacija o nadležnostima i radu Zajedničke komisije i Agencije, studenti i profesori imali su jedinstvenu priliku da postave direktna pitanja kako Komisiji, tako i službenicima OSABiH.

Ispunjenjem plana za održavanje tri javne tribine, zaključen je ciklus ovogodišnjih aktivnosti na otvaranju obavještajne zajednice prema građanima. Partneri Zajedničke komisije na ovom projektu su bili OSABiH i norveški Vladin institut za međunarodne odnose NUPI.

ČLAN KOMISIJE:	Učešće na radionicama:
Nikola Špirić	2
Safet Softić	0
Bariša Čolak	1
Ljilja Zovko	3
Sredoje Nović	3
Predrag Kožul	2
Sadik Ahmetović	0
Mirsad Mešić	2
Đorđo Krčmar	0
Darko Babalj	0
Fahrudin Radončić	0
Damir Bećirović	2
UKUPNO RADIONICE/TRIBINE:	5

2.2. STUDIJSKE POSJETE I PROGRAMI ZA PROFESIONALNO USAVRŠAVANJE U INOZEMSTVU

Komisija u izvještajnom periodu nije obavila **nijednu** studijsku posjetu van granica BiH.

2.3 SARADNJA S OBAVJEŠTAJNO-SIGURNOSNOM AGENCIJOM BIH I DRUGIM DOMAĆIM INSTITUCIJAMA

Članom 19. Zakona o Obavještajno-sigurnosnoj agenciji Bosne i Hercegovine utvrđeno je da Komisija vrši nadzor nad zakonitošću rada OSABiH. Ova zakonska obaveza ispoštovana je u mjeri u kojoj je Komisija to bila u mogućnosti učiniti te su organizovane **četiri terenske posjete** kancelarijama OSA BiH u BiH. S obzirom na oznaku tajnosti ove aktivnosti neće biti detaljnije opisane u smislu sadržaja posjete, lokacije i prisustva.

Kao što je ranije navedeno, promjena u odnosu na ranije periode je da se Komisija aktivnije sastajala sa drugim tijelima iz sigurnosnog sektora (osim OSA-e), te činjenica da je pojačana korespondencija Komisije sa svim relevantnim institucijama BiH.

2.4 MEĐUNARODNE AKTIVNOSTI KOMISIJE

Komisija u izvještajnom **nije imala** ni dolaznih ni odlaznih bilateralnih posjeta. Pri tome ističemo primjetno smanjen angažman međunarodne zajednice (u odnosu na ranije periode) u kontaktima sa Komisijom. Podsjećanja radi, ranije su kontakti sa NATO Štabom, OSCE Misijom, DCAF-om, USAID-om, NUPI-jem i Ambasdom SAD bili redovni i ovim kanalima se odvijao dobar dio procesa u međunarodnoj, ponekad čak i domaćoj, saradnji Komisije (ove su institucije davale podršku za organiziranje seminara u BiH, studijske posjete van BiH, ekspertnu predavačku ili savjetodavnu podršku, i slično). Sada je obim ove podrške i, čini se, interesa međunarodne zajednice uopće, uveliko smanjen, ali želimo istaći da to ne smatramo značajnijim problemom. Štaviše, sa jedne strane smo sami inicirali dovođenje međunarodnog upliva u rad Komisije u zakonske okvire, u čemu smo i u uspjeli (ranije su svakoj sjednici Komisije prisustvovali neki ili svi od navedenih stranih organizacija), a sa druge strane, kad je riječ o programima obuke (seminarima i slično), Komisija je i ovdje sama zauzela stav da insistira da se sve vrste edukacije obavljaju u BiH, i sa što je moguće manje putnih troškova, noćenja, dnevnica, i slično. Ističemo da smo se ovog stava dosljedno držali još od mandata prošlog predsjedavajućeg, koji je uveo ovaj trend u radu Komisije. Svi članovi tada su jednoglasno podržali njegov prijedlog, i tog se stava držimo i dalje.

3. REZIME

Analizom pobrojanih aktivnosti može se zaključiti da je Komisija tokom 2016. godine radila izuzetno pojačanim intenzitetom.

Komisija je od svoga formiranja do danas konstantno nastojala unaprijediti vlastite kapacitete i obaviještenost, kako bi kvalitetnije doprinijela poštivanju i primjeni Zakona o zaštiti tajnih podataka BiH i ostvarivanju efikasnog nadzora nad Obavještajno-sigurnosnom agencijom BiH i drugim tijelima koja nam spadaju u nadležnost. Smatramo da smo ovaj cilj ostvarili.

Kao i dosad, posvetili smo jedan dio vremena upoznavanju sa principima Zajedničke vanjske i sigurnosne politike EU (CFSP), odnosno Zajedničke odbrambene i sigurnosne politike (CSDP). Jednako tako, imali smo u vidu i obaveze BiH u smislu NATO aspiracija Bosne i Hercegovine, tj. obaveze definirane kroz IPAP, MAP i Sigurnosni sporazum između BiH i NATO, te različite obaveze koje proističu iz drugih međunarodnih sporazuma koje je Bosna i Hercegovina potpisala ili im pristupila (poput sigurnosnih sporazuma potpisanih između BiH i EU, BiH i OSCE, itd.).

Ova smo pitanja razmotrili posebno u polju balansa između zaštite ličnih podataka i individualnih sloboda, naspram potreba za zaštitom tajnih podataka, te u pitanjima koja su u određenim momentima rada Komisije bila aktuelna, poput načina na koji je riješeno pitanje sigurnosnih provjera za radnike pravosuđa u zemljama EU, koje nam je bilo potrebno pri razmatranju posljednjeg prijedloga za izmjene domaćeg Zakona o zaštiti tajnih podataka.

U nastavku su navedena pitanja koja su bila predmet pažnje Komisije, a koja još nisu riješena:

1. **Potpuna primjena i poštivanje odredbi Zakona o zaštiti tajnih podataka BiH.**

- a. neadekvatna sistematizacija radnih mjesta unutar Ministarstva sigurnosti (u Državnom sigurnosnom organu/DSO) i Ministarstvu odbrane (u Sektoru za obavještajno-sigurnosne poslove). Sistematizacije moraju uvažavati odredbe ZOZTP i relevantne direktive NATO-a i Odluke Vijeća Evrope. U Ministarstvu odbrane kao problem je konstatovano i nedonošenje Pravilnika o radu Vojno-obavještajnog roda.
- b. neadekvatno formulisanje inspeksijskog nadzora koji provodi DSO
- c. nejasnoće, kontradikcije i nedorečenosti u jednom broju zakona i podzakonskih akata, prije svega kad je riječ o Zakonu o reviziji u institucijama BiH i članu 9. Zakona o odbrani BiH.
- d. neunificirane prakse u radu različitih državnih organa, kad je riječ o rukovanju tajnim podacima i razmjeni ili dostavljanju istih, i neadekvatno poštivanje zakonskih odredbi u smislu definisanja sigurnosnih područja, rezervnih lokacija, postupaka za uništavanje tajnih podataka i drugih sigurnosnih procedura.

- e. nedostaci u jedinstvenom pristupu i poštivanju odredbi o fizičkoj i informatičkoj zaštiti podataka i lokacija, prije svega u podregistrima, koji još uvijek čekaju na certifikaciju od strane DSO.
- f. sporo ili nepotpuno ispunjavanje obaveza koje za BiH proizilaze iz MAP-a i IPAP-a, što koči ili onemogućava dalji napredak BiH u smislu njenih NATO aspiracija.
- g. brisanje člana 225. iz Krivičnog zakona BiH.

Komisija će u narednom periodu putem nadzornih i radnih posjeta nastojati da u direktnom kontaktu sa rukovodiocima i ovlaštenim predstavnicima organa izvršne vlasti u BiH, iste animira na efikasniju primjenu Zakona o zaštiti tajnih podataka BiH. Isto vrijedi i za PSBiH (potrebno je osigurati adekvatno zaštićene prostorije za rad ove i drugih komisija koje održavaju povjerljive sjednice, i sl.)

Komisija je ustanovila da je stepen primjene ZOZTP u organima javne uprave u BiH, iako nepotpun, ipak zadovoljavajući. S tim u vezi Komisija će nastaviti pružanje podrške Državnom sigurnosnom organu i svim drugim tijelima kojima Komisija u okviru svojih nadležnosti može pomoći u ostvarivanju ovog cilja.

2. **Puni demokratski parlamentarni nadzor nad Obavještajno-sigurnosnom agencijom BiH.** U svrhu realizacije ovog cilja održavali smo stalan kontakt sa rukovodstvom OSABiH, te se na druge načine obavještavali o potencijalnim ili aktuelnim problemima u njihovom radu i načinima na koje Komisija može utjecati na otklanjanje ustanovljenih problema. Podržali smo određene projekte kapitalnih ulaganja koje je predložila OSA, a čiji je cilj bio smanjivanje troškova najma jednog broja prostorija i logistički problemi koji se pritom javljaju iz ugla zaštite tajnih podataka u «tuđim» prostorijama. Preostali krupni problemi kojima ćemo u daljem periodu posvetiti detaljnu pažnju su:
- a. kašnjenje u dostavljanju zakonom propisanih materijala na razmatranje Komisiji, posebno kad je riječ o materijalima koje dostavljaju Predsjedništvo BiH i Vijeće ministara. Ova kašnjenja uzrokuju ozbiljne posljedice na rad OSABiH, koja je prinuđena u nedostatku Godišnje platforme o obavještajno-sigurnosnoj politici BiH raditi na osnovu prošlogodišnjih ili čak starijih Platformi, što njen rad čini u najboljem slučaju, polulegalnim.
 - b. Odavanje tajnih podataka medijima i drugim neovlaštenim osobama

Komisija je u cilju otklanjanja gornjih nedostataka poduzela jedan broj aktivnosti, uključujući analizu načina na koji su ova pitanja riješena u drugim zemljama, i održavanje jednog broja radno-konsultativnih sastanaka sa tijelima uključenim u određene procese od interesa za Komisiju.

Nastavak aktivnosti podrazumijevat će pristupanje izmjenama zakona za koje je Komisija utvrdila da unose zabunu u procesu međuagencijske saradnje.

Komisija će i u narednom periodu nastojati da aktivno doprinese punoj sprovedbi Zakona o zaštiti tajnih podataka BiH i ostvarivanju pune demokratske kontrole nad radom Obavještajno-sigurnosne agencije BiH, te blagovremeno vršiti i druge zadatke iz svoje nadležnosti.

PREDSJEDAVAJUĆI KOMISIJE
dr Nikola Špirić